


四分律藏

牙三十二

三百廿四
唱二

50087



Vertical text or stamp located below the large seal, possibly a date or reference number.

1

2

3

4

四分律藏卷第三十二

姚秦三藏佛陀耶舍共竺佛念譯

唱

第二分受戒捷度之二

尔時世尊作是思惟已默然而不說法時梵天王於梵天上遙知如來心中所念已念世間大敗壞如來今日獲此妙法云何默然而

住今世間不聞耶尔時梵天如力士屈伸臂頃從彼而來到如來前頭面禮已在一面立

白世尊言唯願如來說法唯願善逝說法世間衆生亦有垢薄智慧聰明易度者能滅不善法成就善法尔時世尊告梵天王如是如是梵王如汝所言我向者在閑靜處而生此

念言我今已獲此法此法甚深難知難解永
寂休息微妙最上賢聖所知非愚者所習衆
生異見異忍異欲異命依於異見樂於巢窟
衆生以是樂於巢窟故於緣起法甚深難解
復有甚深難解處滅諸欲愛盡涅槃是處亦
難見故我今欲說法餘人不知則於我唐勞
疲苦耳時世尊曾見有此二偈非先所聞亦
未曾說

我成道極難

為在巢窟說

貪恚愚癡者

不能入此法

逆流迴生死

深妙甚難解

者欲無所見

愚闇身所覆

是故梵天我默然而不與人說法尔時梵天

復白佛言世間大敗壞今如來獲此正法云
何默然不說令世間不聞耶唯願世尊時演
正法流布於世世間亦有垢薄聰明衆生易
度者能滅不善法成就善法今時梵天說此
語已復說偈言

摩竭雜垢穢

而佛從中生

願開甘露門

為衆生說法

今時世尊受梵天勸請已即以佛眼觀察世
間衆生世間生世間長有少垢有多垢利根
鈍根有易度有難度畏後世罪能滅不善法
成就善法猶如優鉢池鉢頭池拘牟頭池分
陀利池優鉢鉢頭拘牟頭分陀利華有初出

地未出水或有已出地與水齊或有出水塵
水不著如來亦復如是以佛眼觀世間衆生
世間生世間長少垢多垢利根鈍根易度難
度畏後世罪能滅不善法成就善法尔時世
尊即與梵天而說此偈言

梵天我告汝

今開甘露門

諸聞者信受

不爲媿故說

梵天微妙法

牟尼所得法

尔時梵天知世尊受勸請已禮世尊足右遶
三帀而去即沒不現尔時世尊復作是念我今
當先與誰說法聞便即解即念阿蘭迦蘭垢
薄利根聰明有智我今寧可先與說法念已
復更智生今阿蘭迦蘭命終已經七日亦有

諸天來白我言阿蘭迦蘭命終來七日時佛
作是念言何其苦哉汝有所失此法極妙如
何不聞若得聞者速疾得解時世尊復作是
念我今當先與誰說法速疾得解念言鬱頭
藍子垢薄利根聰明有智我今寧可先與說
法作如是念已復更智生鬱頭藍子昨日念
終諸天亦來白我言鬱頭藍子昨日命終佛
言何其苦哉汝有所失此法微妙如何不聞
若得聞者速得解脫
今時世尊復作是念我今先當與誰說法聞
我法者速得解脫念言此五比丘執事勞苦
不避寒暑侍衛供養我今寧可先與說法耶

時世尊復作是念五比丘今於何居止即以
天眼清淨過於天人觀五比丘於波羅柰國
仙人鹿苑中見已即往詣彼仙人鹿苑所時
見優陀耶梵志亦在路行遙見世尊前白佛
言瞿曇諸根寂靜顏色怡悅汝師是誰為從
誰學為學何法尔時世尊以偈報言

一切智為上 一切欲愛解 自然得解悟
云何從人學 我亦無有師 亦復無等侶
世間唯一佛 淡而常安隱 我是世無著
我為世間最 諸天及世人 無有與我等
欲於波羅柰 轉無上法輪 世間皆盲冥
當擊甘露鼓

梵志問言向瞿曇所說我無著最勝者願聞其義佛以偈報言

我脫一切結 得盡於諸漏 我勝諸惡法
優陀我最勝

尔時梵志默然時世尊捨去往仙人鹿苑所
五比丘遙見世尊來各各相誡勅言此瞿曇
沙門行不著路迷荒失志若來至此汝等莫
與言語亦莫禮敬更別施小座令坐時世尊
漸漸至五比丘所時五比丘不自覺皆起迎
禮敬或有爲敷座者或有爲執衣鉢者或取
水與洗足者時世尊作是念此愚癡人不能
堅固其志共作制限而復自壞何以故不堪

佛威故我今寧可即就座而坐。五比丘見如來坐已，皆稱名汝如來。時佛告五比丘言：汝等莫稱名汝如來，至真等正覺如來威神無量，最勝汝若稱名汝如來，長夜受苦無量。時五人語言：瞿曇，汝本所造苦行，執持威儀，猶不能得上人法神通智見，有所增益，得自娛樂。況今行不著路，迷荒失志，佛告五人言：汝等曾聞我有二言，返覆不報，言瞿曇昔來不聞有二言，佛言汝等來，我已獲甘露，當教授汝等。汝等能承受我言者，如是不久，必有所得。所以族姓子，以信牢固，從家捨家，爲道修無上梵行者，於現法中，自身作證，而自娛

樂生分已盡。梵行已立。所作已辦。更不受有。
比丘出家者。不得親近二邊。樂習愛欲。或自
苦行。非賢聖法。勞疲形神。不能有所辨。比丘
除此二邊。已更有中道。眼明智明。永寂休息。
成神通得等覺。成沙門涅槃行。云何名中道。
眼明智明。永寂休息。成神通得等覺。成沙門
涅槃行。此賢聖八正道。正見。正業。正語。正行。
正命。正方便。正念。正定。是謂中道。眼明智明。
永寂休息。成神通等。正覺道。沙門涅槃行。四
聖諦。何謂為聖諦。苦聖諦。苦集聖諦。苦盡聖
諦。苦出要聖諦。何等為苦聖諦。生苦。老苦。病
苦。死苦。怨憎會苦。愛別離苦。所欲不得苦。取

要言之五盛陰苦是謂苦。聖諦復次當知苦。聖諦我已知此當修八正道正見正業正語正行正命正方便正念正定何等為苦集聖諦緣愛本所生與欲相應受樂是謂苦集聖諦復次當滅此苦集聖諦我已滅作證當修八正道正見乃至正定云何名苦盡聖諦彼愛永盡無欲滅捨出要解脫永盡休息無有巢窟是謂苦盡聖諦復次當以苦盡聖諦為證我已作證當修八正道正見乃至正定何等是苦出要聖諦此賢聖八正道正見乃至正定是謂苦出要聖諦復次當修此苦出要聖諦此苦出要聖諦我已修此苦聖諦本未

聞法智生眼生覺生明生通生慧生得證復
次當知此苦聖諦本所未聞法智生乃至慧
生復次我已知苦聖諦本未聞法智生眼生
覺生明生通生慧生是謂苦聖諦此苦集聖
諦本未聞法智生眼生覺生明生通生慧生
復次當滅此苦集聖諦本未聞法智生乃至
慧生復次我已滅此苦集聖諦本未聞法智
生乃至慧生是謂苦集聖諦此苦盡聖諦本
所未聞法智生乃至慧生復次此苦盡聖諦
應作證本未聞法智生乃至慧生復次此苦
盡聖諦我已作證本未聞法智生乃至慧生
此苦出要聖諦本未聞法智生乃至慧生復

次當修苦出要聖諦本未聞法智生乃至慧
生復次我已修此苦出要聖諦本未聞法智
生乃至慧生是謂四聖諦若我不修此四聖
諦三轉十二行如實而不知者我今不成無
上正真道然我於四聖諦三轉十二行如實
而知我今成無上正真道如無疑滯如來說
此四聖諦衆中無有覺悟者如來則為不轉
法輪若如來說四聖諦衆中有覺悟者如來
則為轉法輪沙門婆羅門魔若魔天天及世
間人所不能轉者是故當勤方便修四聖諦
苦聖諦苦集聖諦苦滅聖諦苦出要聖諦當
如是學尔時世尊說此法時五比丘阿若憍

陳如諸塵垢盡得法眼生。尔時世尊已知阿
若憍陳如心中所得便。以此言而讚曰。阿若
憍陳如已知阿若憍陳如已知。從是已來名
阿若憍陳如。時地神聞如來所說便。即相告
語。今如來至真等正覺於波羅柰仙人鹿苑
所轉無上法輪。本所未轉。沙門婆羅門魔若
魔。天天及人不能轉者。地神唱聲。聞四天王
忉利天炎摩天兜術天化樂天他化天展轉
相告語言。今如來至真等正覺於波羅柰仙
人鹿苑中轉無上法輪。沙門婆羅門魔若魔
天天及人所不能轉。尔時一念頃。須臾間。展
轉相告語聲。乃徹梵天。尔時尊者阿若憍陳

如見法得法成辦諸法已獲果實前白佛言
我今欲於如來所修梵行佛言來比丘於我
法中使自娛樂修梵行盡苦原時尊者憍陳
如即名出家受具足戒是謂比丘中初受具
足戒阿若憍陳如爲首時尊者阿若憍陳如
前白佛言我今欲入波羅柰城乞食願聽佛
言比丘宜知是時時尊者阿若憍陳如即從
座起頭面禮世尊足已著衣持鉢入波羅柰
城乞食尔時世尊與尊者阿濕卑摩訶摩男
比丘說法勸令歡喜所謂法者布施持戒生
天之法呵欲不淨有漏繫縛讚歎出離爲樂
即於座上諸塵垢盡得法眼淨見法得法獲

果實前白佛言我等欲於如來所出家修梵
行佛言來比丘於我法中快自娛樂修梵行
得盡苦原即名出家受具足戒時阿濕卑摩
訶摩男比丘前白佛言我等欲入波羅柰城
乞食佛言比丘宜知是時時尊者阿濕卑等即
從座起頭面禮世尊足已著衣持鉢入波羅
柰乞食時世尊與婆提婆敷二人說法勸令
歡喜所謂法者布施持戒生天之法呵欲不
淨有漏繫縛讚歎出離爲樂即於座上諸塵
垢盡得法眼淨見法得法成辦諸法前白佛
言我等欲於如來所修梵行得盡苦原佛言來
比丘於我法中快自娛樂修梵行得盡苦原即

名受具足戒時婆提婆敷二人前白佛言我等欲詣波羅柰乞食佛言宜知是時時尊者婆提等即從座起頭面禮世尊足已著衣持鉢入波羅柰城乞食時世尊與三人說法二人乞食二人所得食足六人共食若世尊五人中與二人說法三人乞食三人所得食足六人共食亦時世尊勸喻五比丘漸漸教訓令發歡喜心時世尊食後告五比丘色無我若色是我者色不增益而我不受苦若色是我者應得自在欲得如是色不用如是色以色無我故而色增長故受諸苦亦復不能得隨意欲得如是色便得不用如是色便不得受

想行識亦復如是云何比丘色是常耶色無常耶諸比丘白佛言世尊色無常佛言若色無常者是苦是樂耶諸比丘白佛言世尊色是苦佛言若色無常苦者變易法汝等云何色是我是彼是彼所是我所不對曰非也受想行識亦復如是是故諸比丘一切色過去未來現在色若內若外若麤若細若好若醜若遠若近一切色非我非彼非彼所非我所應作是如實正觀智慧受想行識亦復如是如是比丘賢聖弟子作是觀已厭患色已厭患便不著已不著便得解脫已解脫便得解脫智我生已盡梵行已立所作已辦更不復受有受想

行識亦復如是。今時世尊說此法時，五比丘一切有漏心解脫，得無礙解脫智生。今時此世間有六羅漢五弟子，如來至真等正覺為六。

今時世尊遊波羅柰國時，波羅柰國有族姓子名耶輸伽，父母止有此一子，愍念瞻視，不去目前。時父母與設三時殿，春夏冬使其子常遊戲其中，五欲娛樂。時童子於五欲中極自娛樂，已疲極眠，睡眠睡覺已，即觀第一殿。又見諸伎人所執樂器，縱橫蕪藉，更相荷枕，頭髮鬢亂，却卧，鼾睡，齧齒，寤語見已，恐怖身毛為豎，即生厭離意，不欲與會。此為苦哉。有

何可貪即捨所居殿更詣中殿到彼觀其殿
舍并伎人如前無異倍生恐怖身毛爲豎即
生厭離不欲與會此爲苦哉有何可貪即捨
去詣第三殿所見亦復如上倍生恐怖身毛
爲豎生厭離心不欲與會亦復如上即還出
殿詣已佉城門時尸佉門神遙見童子來見
已便生念此童子來必欲見如來更無餘道
我當開門使去即與開門時童子出尸佉城
門已詣婆羅河側到已於河岸上解金屨渡
婆羅河詣仙人鹿苑所介時世尊在露處經
行遙見童子來即敷座而坐諸佛常法圓光
遍照耶輸伽童子遙見如來顏貌端正生喜

悅心前至世尊所到已白言我今苦厄無所
歸趣願救濟我佛告童子來此處無爲此處
無厄此處安隱欲求永寂無爲者欲盡無愛滅
盡涅槃也尔時耶輸伽童子禮世尊已在一
面坐世尊漸與說法勸令發歡喜心所謂法
者布施持戒生天之法呵欲不淨讚歎出離
爲樂即於座上諸塵垢盡得法眼淨見法得
法成就諸法自身得果證前白佛言我欲於
如來所淨修梵行佛言比丘來於我法中使
自娛樂修梵行盡苦原時耶輸伽即受具足
戒第一殿舍宮人伎女盡皆睡覺覺已求覓
耶輸伽不見往至中殿求之亦不見復至第

三殿舍求索亦復不見時諸宮人伎女往至
其母所白言大家今者耶輸伽不知所在時
母即速疾至其父所告言知不今不知見爲何
所在時父在彼中殿前沐浴梳頭速疾檢髮
即勅左右人言於波羅柰國斷諸巷道自出
尸佉城門至婆羅河所見子金屨在河側便
作是念我子必當渡河即尋迹渡河往仙人
鹿苑中尓時如來遙見耶輸伽父來即以神
力使耶輸伽父見佛不見其子至佛所白言
大沙門頗見我子耶輸伽不佛言汝今且坐
或當見汝子耶輸伽父念言此大沙門甚竒
甚特乃見慰勞如是也時耶輸伽父禮佛足

已在一面坐世尊漸與說法令發歡喜心呵
欲不淨讚歎出要為樂即於座上諸塵垢盡
得法眼淨見法得法成辦諸法自審得果證
已前白佛言我今歸依佛歸依法歸依僧唯
願世尊聽為優婆塞自今已去盡形壽不殺
生乃至不飲酒是為最初優婆塞三自歸耶
輸伽父為首尔時世尊與耶輸伽父說法時
耶輸伽身漏盡意解得無礙智解脫尔時世
間有七羅漢弟子有六佛為七尔時世尊即
攝神足使耶輸伽父見子去佛不遠坐即到
耶輸伽所語言汝母在後失汝不知所在極
懷愁憂乃欲自害汝可往瞻省勿令自害時

耶輸伽瞻視世尊顏時世尊告耶輸伽父言云
何族姓子學智學道諸塵垢盡得法眼淨作
如是觀已有漏心得解脫云何長者汝已捨
欲還復能習欲不耶對曰不也如是耶輸伽
族姓子已學智學道諸塵垢盡得法眼淨彼
作如是觀已有漏心得解脫終不復習欲如
本在俗時也今耶輸伽族姓子善獲大利學
智學道無漏心解脫諸塵垢盡得法眼淨作
是觀已有漏心得解脫唯願世尊今受我請及
耶輸伽并侍比丘介時世尊默然受請然耶
輸伽不肯受別請世尊未聽我受別請佛言
自今已去聽受別請請有二種有僧次請有

別請時耶輸伽父知如來默然受請即從座起禮佛足而去語耶輸伽母及其本二言汝今知不耶輸伽身在大沙門所修梵行我今日請大沙門及耶輸伽侍從後來汝今知時可供辦所須耶輸伽母及其本二即辦具種種所須飲食已往白時到尔時世尊到時著衣持鉢耶輸伽侍從通已二人往其父舍到已就座而坐時耶輸伽母及本二奉世尊種種所須飲食訖攝鉢更取一小座於如來前坐尔時世尊漸次與說微妙法勸令發歡喜心即於座上諸塵垢盡得法眼淨見法得法成就諸法即白佛言自今已去歸依佛法

僧聽爲優婆夷我自今已去盡形壽不殺生
乃至不飲酒是謂最初受三自歸優婆夷耶
輸伽母及其本二爲首時世尊與耶輸伽母
及其本二說法已即從座起而去尔時世尊
遊波羅柰國時耶輸伽有少小同友四人在
波羅柰住一名無垢二名善臂三名滿願四
名伽梵婆提聞耶輸伽在大沙門所修梵行
各念言此戒德必不虛修沙門梵行亦不虛
何以故乃使此族姓子從其受學修梵行彼
族姓子能於彼修梵行我等寧可於大沙門
所修梵行耶尔時同友四人即往詣耶輸伽
所語言汝今於大沙門所修梵行爲勝耶耶

輸伽報言我從大沙門所修梵行甚為微妙
此四人語耶輸伽言我亦欲於大沙門所出
家修梵行時耶輸伽即將往世尊所頭面禮
足在一面坐白世尊言此四同友在波羅柰
住今欲從如來出家修梵行願慈愍聽出家
修梵行時世尊即聽漸次為說勝法勝法者
布施持戒生天之法呵欲不淨讚歎出離為
樂即於座上諸塵垢盡得法眼淨見法得法
成就諸法得果證前白佛言我等欲從如來
所修梵行佛言來比丘於我法中快修梵行
盡苦原即名為出家受具足戒即如先所見
重觀察便得盡有漏心得解脫無礙解脫智

生時此世間有十阿羅漢弟子如來爲十一
今時世尊遊波羅捺國時耶輸伽少小同友
有五十人在波羅捺城外住聞耶輸伽在大沙
門所修梵行各生念言此戒德所修梵行
不虛何以故知今此族姓子在大沙門所修
梵行以是故知彼族姓子能於彼修梵行我
今寧可往詣大沙門所修梵行耶今時同友
五十八等往詣耶輸伽所語言此處勝耶修
梵行妙耶耶輸伽報言此處勝修梵行亦妙
此五十人語耶輸伽言我亦欲於大沙門所
出家修梵行時耶輸伽即將往世尊所頭面
禮足在上一面坐已白世尊言此五十同友在

波羅柰城外住今欲從如來出家修梵行
願世尊慈愍聽出家修梵行時世尊即聽
漸次為說勝法所謂法者布施持戒生天
之法呵欲不淨讚難出離為樂即於座上諸
塵垢盡得法眼淨見法得法成就諸法得果
證前白佛言我等欲從如來所出家修梵行
佛言來比丘於我法中快修梵行盡苦原即
名為受具足戒如先所見重觀已有漏心解
脫無礙解脫智生時此世間有六十阿羅漢
弟子如來為六十一今時世尊遊波羅柰國
時有同友五十人來向波羅柰國欲成婚姻
在波羅柰城外處處遊觀漸詣仙人鹿野苑

時五十人等遙見世尊顏貌端正衆相殊特
見已發歡喜心於如來所即前頭面礼足在
一面坐已時世尊與說勝法勸令發歡喜心
所謂勝法者布施持戒生天之福呵欲不淨
讚歎出離爲樂即於座上諸塵垢盡得法眼
淨得法見法成就諸法得果證前白佛言世
尊我等欲從如來所出家修梵行佛言來比
丘於我法中快修梵行盡苦原即名受具足
戒如先所見重觀已有漏心解脫無礙解脫
智生時世間有百一十阿羅漢弟子佛爲百
一十一尔時世尊遊波羅柰國時伊羅鉢羅
龍王自出恒河水所居宮手執金鉢盛滿銀

粟銀鉢盛滿金粟將諸龍女八日十四日十五
五日而說此偈

何者王中上 深者與深等 云何得無垢

何者名為愚 何者流所漂 得何名為智

云何流不流 而名為解脫

龍王言若有宣暢此偈義者我當持金鉢盛

銀粟銀鉢盛金粟及所將龍女盡當與之我

求如來等正覺時衆人大集或有人往詣觀

金鉢銀粟銀鉢金粟或有往觀諸龍女者或

有往欲與龍王分別偈義者今時有一梵志

名那羅陀住波羅柰城側少垢利根多智聰

明時那羅陀出波羅柰城詣龍王所到已語龍

王言汝今說偈我欲與汝廣演其義今時伊
羅鉢羅龍王即以偈向那羅陀說言

何者王中上 染者與染等 云何得無垢

何者名爲愚 何者流所漂 得何名爲智

云何流不流 而名爲解脫

龍王言若有宣暢分別此偈義者我當持金

鉢盛滿銀粟銀鉢盛滿金粟及所將龍女盡當
與之我求如來等正覺時那羅陀梵志語伊
羅鉢羅龍王言且止龍王却後七日當廣演
此偈義時那羅陀梵志誦此偈通利還入波
羅柰城復作是念此中何者高才大德沙門
婆羅門我當以此偈問之復作是念此不蘭

迦葉衆中長大爲人師導衆人宗仰名稱遠
聞所知如海多人供養我今宜可往彼問此
偈義也時那羅陀梵志往至迦葉所以此偈
與不蘭迦葉說時迦葉聞此偈實不知即便
蹙眉瞋目出惡音聲怒項脉脹瞋恚熾盛不
荅彼即捨去作是念今當更於何處求沙門
婆羅門而問此偈義中路復作是念末佉黎
劬奢羅阿夷頭翅舍欽婆羅年提俊婆休迦
旃延訕若毗羅吒子尼捷子等在於衆中爲
師首衆人宗仰名稱遠聞所知如海多人供
養我今宜可往彼問此偈義時那羅陀梵志
往至末佉黎尼軋子等所以此偈向說彼聞

此偈實不知即感眉瞋目出惡音聲怒項脉
脹瞋恚熾盛不能荅見已即復捨去復作是
念更於何處求沙門婆羅門而問此義也即
念言此大沙門瞿曇在大衆中爲師首衆人
宗仰名稱遠聞所知如海多人供養我今宜
可往彼問此偈義復作是念餘有沙門婆羅
門耆年出家學久猶尚不能解此偈義況此
沙門瞿曇年尚幼稚出家日淺豈能解也復
作是念年雖幼稚亦不可輕亦有年少出家
學道得阿羅漢神足自由者我今當往詣彼
沙門問此偈義時那羅陀梵志出波羅柰城
往詣仙人鹿野所到已舉手與如來共相問

評已在一面坐白世尊言欲有所問若沙門
瞿曇聽者我當相問佛言梵志汝欲有問隨
意時那羅陀復生此念我見彼諸沙門婆羅
門無有賜我顏色不與我解亦不言隨所問
今所見者甚為奇特尔時梵志即以偈向佛
說

何者王中上

染者與染等

云何得無垢

何者名為愚

何者流所漂

得何名為智

云何流不流

而名為解脫

尔時世尊以偈報那羅陀梵志言

第六王為上

染者與染等

不染則無垢

染者謂之愚

愚者流所漂

能滅者為智

能捨一切流

天及於世間

不與流相應

不爲死所惑

能以念爲主

諸流得解脫

尔時那羅陀從如來聞此偈善諷誦讀已即

從坐起禮世尊足遶三帛而去還入波羅柰

城時伊羅鉢龍王七日後自出龍宮將諸龍

女持金鉢盛銀粟銀鉢盛金粟而來並說此

偈

何者王中上

染者與染等

何者名無垢

何者名爲愚

何者流所漂

得何名爲智

云何流不流

而名爲解脫

若有能演說此偈義者當以此金鉢盛銀粟

銀鉢盛金粟及所將龍女當盡與之欲求無

上正真等正覺今時多有人衆集會或有看
金鉢盛銀粟者或有看銀鉢盛金粟者或有
看龍女者或有欲聽那羅陀梵志解說偈義
者今特那羅陀梵志出波羅柰城往詣伊羅
鉢龍王宮語龍王言所論偈者一一說之吾
當與汝分別解義時龍王即以此偈向那羅
陀說

何者王中上

深者與深等

何者名無垢

何者名為愚

何者流所漂

得何名為智

云何流不流

而名為解脫

時那羅陀復以此偈報龍王言

第六王為上

深者與深等

不深則無垢

洙者謂之愚 愚者流所徠 能滅者為智
能捨一切流 天及於世間 不與流相應
不為死所惑 能以念為主 諸流得解脫
時伊羅鉢龍王問言云何梵志汝自有此智
而說耶為從沙門婆羅門聞而說耶報言龍
王我無此智說今有沙門瞿曇釋子出家學
道成無上正真等正覺從彼聞而說時龍王
便作是念釋迦文如來至真等正覺已出現
於世耶已出現於世耶即問那羅陀言今日
如來為在何處住報言今近在仙人鹿苑住
時龍王語那羅陀可共至彼仙人鹿苑所禮
如來至真等正覺時那羅陀及龍王將八萬

四千衆前後圍遶往仙人鹿苑到世尊所到已
禮世尊足在一面立那羅陀共相問訊在一面
坐八萬四千衆或有禮如來足在一面立者或
有擎拳與相問訊在一面坐者或有向如來自
稱姓名而在一面坐者或叉手視如來在一面坐者
或有默然不語在一面坐者八萬千下上四衆
已坐定世尊漸次為說勝法勸令發歡喜心
所謂法者布施持戒生天之法呵欲不淨讚
歎出離為樂時那羅陀及八萬四千衆即於
坐上諸塵垢盡得法眼淨見法得法成就諸
法得果證前白佛言我等自今已去歸依佛
法僧唯願世尊聽為優婆塞盡形壽不殺生

乃至不飲酒時伊羅鉢龍王悲泣不能自勝
或時踊躍歡喜時那羅陀語龍王言今者悲
泣為惜金鉢盛銀粟銀鉢盛金粟及龍女等
而悲泣耶龍王報言我不以此諸物故悲泣
那羅陀當知汝今取金鉢盛銀粟銀鉢盛金
粟應取無苦若須波羅柰城中刹利女婆羅
門女居士女工師女者我當勸令與汝何以
故那羅陀汝不能與龍女共會那羅陀報龍
王言金鉢盛銀粟銀鉢盛金粟我不須龍女
亦不須我今欲於如來所修梵行亦時那羅
陀梵志見法得法成就諸法自知得果證前
白佛言唯然世尊我今欲於如來所出家修

梵行佛言來比丘於我法中使修梵行盡苦
原即名受具足戒如先所見重觀察已有漏
心解脫無礙解脫智生時世間有一百一十
一阿羅漢佛爲百一十二人時世尊告龍王
言汝何故悲泣不能自勝耶時龍王白佛言
世尊我念亡昔迦葉佛時修梵行故犯戒壞
伊羅鉢樹葉此當有何報應世尊我由此業
報故生長壽龍中如來般涅槃法滅盡後我
乃當轉此龍身我失彼此二邊利不得修梵
行以是故悲泣不能自勝今時世尊復問龍
王言汝以何緣復歡喜耶龍王白佛言我身
自從迦葉佛聞而告我言却後當有釋迦牟

尼佛出現於世爲如來至真等正覺如今所
見如實不異我作此念未曾有如來智慧所
見如實無二以是故歡喜踊躍不能自勝佛
告龍王汝今歸依佛法僧答言如是我今歸
依佛法僧是爲畜生中最初受三自歸伊羅
鉢龍王爲首尔時世尊以偈告諸比丘

我已脫一切

天及於世間

汝亦脫一切

天及於世間

尔時魔波旬以偈向世尊說

汝爲諸結縛

天及於世間

一切衆結縛

沙門不得脫

尔時世尊復以偈報波旬言

我脫於諸縛

天及於世間

一切縛得脫

我今已勝汝

余時波旬復以偈報佛言

汝內有結縛

心在於中行

以是隨逐汝

沙門不得脫

余時世尊復以偈報波旬言

世間有五欲

意識為第六

我於中無欲

我今得勝汝

時魔波旬作是念如來鑒察我意皆悉知之

即懷愁憂不樂自隱形還歸本處余時世尊

告諸比丘說此偈言

我今一切解

天及於世間

汝等一切解

天及於世間

佛告諸比丘汝等人間遊行勿二人共行我
今欲詣憂留頻螺大將村說法對曰如是世
尊諸比丘受教已人間遊行說法時有聞法
得信欲受具足戒時諸比丘將欲受具足戒
者詣如來所未至中道失本信意不得受具
足戒諸比丘以此事白佛佛言自今已去聽
汝等即與出家授具足戒欲受具足戒者應
作如是教令剃鬚髮著袈裟脫革屣右膝著
地合掌教作如是語我某甲歸依佛歸依法
歸依僧今於如來所出家如來至真等正覺
是我所尊如是第二第三竟我某甲已歸依

佛歸依法歸依僧於如來所出家如來至真
等正覺是我所尊如是第二第三佛言自今
已去聽三語即名受具足戒尔時世尊遊鬱
鞞羅劫波園中時有鬱鞞羅跋陀羅跋提同
友五十人將諸婦女於此園中共相娛樂其
同友中一人無婦以錢雇一婬女將來共相
娛樂婬女即偷其人財物逃走時諸同友見
其失物即於此園中求覓此婬女遙見如來
顏貌端正諸根寂定見已便發歡喜心於如
來所即前白世尊言大沙門頗見一婦人來
此不佛問言汝等是何童子求何等婦女耶
荅言大沙門當知鬱鞞羅跋陀羅跋提同友

五十人於此園中與諸婦女共相娛樂一同
友無婦以錢雇一姪女將來在此共相娛樂
即便偷其物逃走不知所在我今同友等故
來於此求覓此女佛問言云何童子寧自求
耶求婦女耶諸童子言寧自求不求婦女佛
言諸童子且坐與汝說法時童子等禮世尊
足在一面坐尔時世尊與童子等說勝法勸
令發歡喜心所謂法者布施持戒生天之法
呵欲不淨讚歎出離爲樂即於座上諸塵垢
盡得法眼淨見法得法成就諸法得果證前
白佛言我等諸童子欲於如來所出家修梵
行佛言來比丘於我法中使修梵行盡苦原

即名爲受具足戒

尔時世尊遊鬱鞞羅時鬱鞞羅婆界有梵志
名鬱鞞羅迦葉於彼任止將五百螺髻梵志
爲最尊長師首鴛伽摩竭國中皆稱爲阿羅
漢尔時世尊詣鬱鞞羅迦葉所到已語言吾
欲借室寄止一宿可尔已不報言不惜但此
室有毒龍極惡恐相害耳佛言無苦但見借
龍不害我迦葉報言此室寬廣欲宿隨意時
世尊即入石室自敷坐具結跏趺坐直身正
意尔時毒龍見如來默然坐已即放烟如來
亦放烟龍見如來放烟已復放火如來亦復
放火時石室中烟火俱起時迦葉遙見石室

烟火俱起便作是念瞿曇沙門極端正可惜
必爲毒龍所害無疑時世尊作是念我今宜
可取此毒龍不傷其體而降伏之即以神力
降之不傷龍身毒龍身放烟火漸漸減少如
來身中放無數種種光明青黃赤白琉璃玻
璃色時如來即降毒龍盛著鉢中明日清旦
往鬱鞞羅迦葉所語言汝欲知不所言毒龍
者吾已降之今在鉢中迦葉念言此沙門瞿
曇有大威德神足自在乃能降此毒龍無所
傷害此沙門瞿曇雖神足自在得阿羅漢不
如我得阿羅漢迦葉言大沙門可於此止宿
吾當給食佛告迦葉汝能身自白時到者我

當受汝請迦葉白言大沙門但在此止宿我
當自來白時到時如來即於迦葉所食已還
石室宿時世尊其夜寂靜入火光三昧照彼
石室炯然大明時迦葉夜起見石室火光炯
然見已便作是念今大沙門極端正止彼石
室爲火所燒即將徒衆圍遶石室住清旦迦

葉白佛言食時已到可往就食又復問言大
沙門昨夜何故有大火光佛告迦葉我昨夜
入火光三昧今此石室炯然大明迦葉念言
此大沙門有大威神於夜寂靜入火光三昧
照此石室沙門瞿曇雖得羅漢不如我得羅
漢今時世尊食迦葉食已更詣一林於彼止

宿明日迦葉往世尊所白時到可往就食佛
告言汝並在前吾尋後往尔時世尊遣迦葉
已詣閻浮提樹名閻浮提者由有閻浮樹故
如來往彼取閻浮果先至迦葉座上而坐迦
葉後到見佛先在坐見已白言云何大沙門
先遣我前來今云何已在前至耶佛告迦葉
我發遣汝在前已我詣閻浮提取閻浮果先
來至此坐此果色好香美汝可食之迦葉報
言止止大沙門此便爲供養我已大沙門自
食此是大沙門所應食迦葉念言此大沙門
有大神足自在得阿羅漢不如我得阿羅漢
時世尊食迦葉食已還本林住時迦葉明日

清旦往詣世尊所到已自言今時已到宜可
就食佛告迦葉汝並在前吾尋後至時世尊
遣迦葉已詣閻浮提去彼不遠有呵梨勒樹
取呵梨勒果如來先至在座而坐時迦葉後
至見如來先至問言大沙門先遣我言當尋
後至今去何先至坐我座耶佛告迦葉我遣
汝後詣閻浮提去彼不遠有呵梨勒樹我詣
彼取呵梨勒果來到此此呵梨勒果色好香
美可取食之迦葉報言大沙門止止此便爲
得供養已大沙門可自食此是大沙門所應
食迦葉念言此大沙門有神足自在得阿羅
漢雖尔不如我得阿羅漢阿摩勒果鞞醯勒

果亦復如是時如來食迦葉食已還於本林
止宿明日迦葉往詣如來所自言時已到可
就食佛告迦葉汝並在前吾尋後往世尊遣
迦葉已詣比鬱單越取自然粳米而還先至
在座而坐迦葉後至見已問言大沙門先遣
我言並在前當尋後至云何今者先至耶佛
言吾遣汝後比至鬱單越取自然粳米來至
此坐此米色好香美汝可取食之迦葉報言
且止此便爲得供養已可自取食之此是大
沙門所應食者迦葉念言此大沙門有神足
自在得阿羅漢雖尔不如我得阿羅漢時世
尊即食此已還詣本林止宿明日清旦迦葉

往詣佛所自言時到可就食佛告迦葉汝並
在前吾正尔後往時世尊遣迦葉已往詣勿
利天取曼陀羅華先至迦葉座上坐時迦葉
後至見已自言大沙門先遣我言吾尋後至
云何今者先至坐耶佛告迦葉吾遣汝已到
勿利天取此華先來至此坐此華色好香氣
芬馥迦葉湏者便可取之迦葉報言止止大
沙門我便為得供養已大沙門可自取用之
迦葉念言甚竒甚特此大沙門有大神足自
在得阿羅漢雖尔不如我得阿羅漢時世尊
食迦葉食已還詣本林止宿其夜四天王持
供養具來詣世尊所皆欲聞法供養夜暗時

放光明照四方猶如大火聚合掌禮如來足
已在前而住時迦葉夜起見彼林有大光明
照四方如大火聚明日清旦往如來所自言
時已到可往就食又問言大沙門昨夜去何
有此光明照四方如大火聚佛告迦葉昨夜
四天王持供養具來詣我所欲聽受法是其

光明照四方非火也迦葉言甚奇甚特大沙
門有大神力乃使四天王來聽法大沙門有
大神足自在得阿羅漢雖尔故不如我得阿
羅漢時世尊食迦葉食已還詣本林時釋提
桓因持供養具來欲聞法夜闍時放大光明
照四方如大火聚踰於前光清淨無瑕穢又

手合掌禮如來在前而任聽法迦葉夜起遙見光明照四方踰於前光清淨無瑕穢見已明日往世尊所白時到可往就食又復問言大沙門昨夜有大火光照於四方如大火聚踰於前光清淨無瑕穢是何光明

四分律藏卷第三十二 第二分卷第十一

鈍徒困反捺國上音柰怡悅上音余一念

頃下傾字上声更相荷枕更音庚胡可反軒音汗又呼

斷齒上胡界反竊語上真計反尸佉下丘反金履下奇

慰勞下郎到反灑疋苗反感眉上子六反努項上乃反下胡

講劬音衢去声翅音施去声侈昌反以訕音山幼稚上直利反擎

拳

負下

反巨

炯然

童上

音

桓因

官上

反戶

